

341 gein strîte was zer tjost brâht;
 des wart ouch dâ hin zim gedâht.
Gawan sach geflôrieret
 unt wol gezimieret
 5 von rîcher koste helme vil.
 si vuorten gein ir nîspil
 wîz niwer sper ein wunder,
 diu gemâlt wâren besunder
 junchêren gegeben in die hant,
 10 ir hêren wâpen dâr an bekant.
 Gawan fillu roy Lot
 sach von gedrenge grôze nôt,
 mûle, die harnasch muosen tragen,
 unt manegen wol geladen wagen;
 15 den was gein herbergen gâch.
 ouch vuor der market hinden nâch
 mit wunderlîcher pârât;
 des enwas êt doch dehein ander rât.
 ouch was der vrouwen dâ genuoc;
 20 etslîchiu den zwelften gürtel truoc
 ze pfande nâch ir minne.
 ez wâren niht küneginne:
 die selben trippâniersen
 hiezen soldieren.
 25 hie der junge, dort der alde,
 dâ vuor vil ribalde;
 ir loufen machte in müedi lide.
 etslîcher zæme baz an der wide,
 denne er daz her dâ mîrte
 30 unt werdez volc unûerte.

dâ *om.* *T
 G. was (sach *V*) gezimieret *T
 unde wol geflôrieret *T

 gemälten *G (*ohne I*)

 erkant. *G *T

 vil mûle, *G *T

 dâ v. *G *T

 êt (*om. L Z*) dô dehein *G (*T)
 er sach der *G *T

 daz volc dâ *T (*nur T*)

 dâ vuoren vil r. *T (*nur T*) (*Z*)
 den (dem *I* Der *Z*) machet ir 1. müede lide. *G (*T)

*D: D *m: m *G: G I O L Z Fr22 (341.1–8 und 23–30) *T: T V

3 Initiale D G I O L Z Fr22 T 23 Initiale I

7 wîz niwer] vil niuwer (Wir üwer *m*) *m 10 bekant] erkant *m 15 gein] ze *m 18 des enwas eht niht dô ander rât. *m 26 vuor] vuoren *m